



ՄՈՒՐԲ ՁԱԿՈՐ ԱՌԱՋՆՈՐԴԱՆԻՍՏ ՄԱՅՐ Մ ԿԵՂԵՅԻ

ԿԱՆԱՉ ԿԻՐԱԿԻ
04 ՄԱՅԻՍ 2025

Կիրակնօրեայ Ընթերցումներ	Էջ 1
Ողորմութեան Կանչ Մը (Շար. 41)	Էջ 3
Ծանուցումներ	Էջ 4

ԸՆԹԵՐՑՈՒՄ «ԱՌԱՔԵԱԼՆԵՐՈՒՆ ԳՈՐԾԵՐԸ» ԳՐՔԷՆ (9.23-31)

Ժամանակ մը վերջ, Դամասկոսի հրեաները որոշեցին Սողոսը սպաննել: Սակայն Սողոս իմացաւ անոնց նենգութիւնը, թէ՛ գիշեր ցերեկ կը հսկէին քաղաքին դռներուն առջեւ, որպէսզի զինք սպաննեն: Ուստի հաւատացեալները զինք գիշեր մը զամբիւղի մը մէջ դնելով պարիսպէն վար իջեցուցին:

Սողոս Երուսաղէմ եկաւ եւ կը ջանար հաւատացեալներուն հետ շփման մէջ մտնել. բայց բոլորն ալ կը վախճային իրմէ, չհաւատալով թէ Քրիստոսի աշակերտ դարձած է: Սակայն Բառնաբաս առաւ Սողոսը, առաքեալներուն տարաւ եւ անոնց պատմեց թէ ի՛նչպէս Սողոս ճամբուն վրայ Տէրը տեսած եւ անոր հետ խօսած է, եւ թէ ի՛նչպէս Յիսուսի անունով համարձակօրէն քարոզած է Դամասկոսի մէջ: Անկէ ետք Սողոս առաքեալներուն հետ կը մնար ու կը շրջէր Երուսաղէմի մէջ, եւ համարձակօրէն կը քարոզէր Տէր Յիսուսի անունով: Կը խօսէր ու կը վիճէր յատկապէս յունախօս հրեաներուն հետ, որոնք զինք սպաննելու ձեւ մը կը խորհէին: Հաւատացեալ եղբայրներ երբ իմացան, Կեսարիա փախցուցին Սողոսը, եւ հոնկէ ալ Տարսոն ղրկեցին:

Եկեղեցին ամբողջ Հրէաստանի, Գալիլիայի ու Սամարիայի մէջ խաղաղութիւն կը վայելէր եւ կը զօրանար: Ս. Հոգիի օգնութեամբ հաւատացեալները կը բազմանային եւ Տիրոջ երկիւղովը կ'ապրէին:

ԸՆԹԵՐՑՈՒՄ ՊԵՏՐՈՍ ԱՌԱՔԵԱԼԻ ԸՆԴՀԱՆՐԱԿԱՆ ԱՌԱՋԻՆ ՆԱՄԱԿԷՆ (2.1-10)

...մէկդի՛ ձգեցէք ամէն տեսակի չար մտածում ու նենգութիւն, կեղծաւորութիւն ու նախանձ եւ ամէն տեսակի չարախօսութիւն: Որպէս հաւատքի նորածին մանուկներ՝ Աստուծոյ խօսքի անխարդախ կաթին փափաքեցէք, որպէսզի անով աճիք եւ փրկութեան հասնիք: «Անգամ մը որ Տիրոջ խօսքին համը առնէք, պիտի տեսնէք թէ քաղցր է ան»: Մօտեցէ՛ք անոր, Քրիստոսի, որովհետեւ ինքն է այն կենդանի վէմը, որ թէպէտ մարդոցմէ մերժուած, բայց Աստուծմէ ընտրուած պատուական վէմն է: Այդպիսով դուք ալ որպէս կենդանի քարեր՝ Քրիստոսի վէմին վրայ կը կառուցուիք իբրեւ հոգեւոր տաճար. իւրաքանչիւրդ կը դառնաք անարատ քահանաներ եւ Յիսուսի Քրիստոսի միջոցաւ հոգեւոր ընդունելի պատարագ կը մատուցանէք Աստուծոյ:

Որովհետեւ մարգարէութեան մէջ

...մէկդի՛ ձգեցէք ամէն տեսակի չար մտածում ու նենգութիւն, կեղծաւորութիւն ու նախանձ եւ ամէն տեսակի չարախօսութիւն:

գրուած է.

«Ահա ես Սիոնի մէջ կը դնեմ ընտրուած վէմ մը, պատուական անկիւնաքար մը. անոր հաւատացողը յուսախաբ պիտի չըլլայ»:

Քանի դուք հաւատացիք Քրիստոսի, անիկա ձեզի համար պատուական վէմ եղաւ. մինչդեռ չհաւատացողներուն համար անիկա “Այն քարն է, գործաւետ շինողները մերժեցին գործածել, բայց յետոյ անկիւնաքար եղաւ”, կամ “Այն քարն է՝ որ գլորումի եւ գայթակղութեան առիթ” պիտի ըլլայ անոնց համար որոնք Աստուծոյ խօսքը անհամոզիչ գտնելով կը գայթակղին, ինչպէս որ Աստուած նախատեսած էր:

Գալով ձեզի, դուք ընտրուած սերունդ մըն էք, թագաւորելու

կոչուած քահանաներ, սրբուած նոր ազգ մը, Աստուծոյ սեփական ժողովուրդը. եւ ձեր պարտականութիւնն է քարոզել զօրութիւնը անոր՝ որ ձեզ խաւարէն իր սքանչելի լոյսին կանչեց: Որովհետեւ հիմա Աստուծոյ ժողովուրդն էք, մինչ

նախապէս չէիք. հիմա իր ողորմութիւնը կը վայելէք, մինչ նախապէս զրկուած էիք անկէ:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՅՈՎՀԱՆՆԷՍԻ

(2.23-3.12)

Զատիկի տօնին, մինչ Յիսուս Երուսաղէմ կը գտնուէր, շատեր հաւատացին իրեն, երբ տեսան անոր գործած հրաշքները: Սակայն Յիսուս ինքզինք չէր վստահեր անոնց, որովհետեւ բոլորն ալ կը ճանչնար եւ պէտք չունէր ոեւէ մէկուն մասին ուրիշին վկայութեան, քանի ինք գիտէր թէ ի՞նչ կայ այդ մարդուն սիրտին մէջ:

Նիկողեմոս անունով փարիսեցի

մարդ մը կար, հրեայ իշխան մը, որ գիշերով Յիսուսի մօտ եկաւ եւ ըսաւ անոր. «Վարդապետ, գիտենք որ դուն Աստուծոյ կողմէ զրկուած ուսուցիչ մըն ես, որովհետեւ ո՛չ ոք կրնայ գործել քո՛ւ կատարած հրաշքներդ, եթէ Աստուած անոր հետ չըլլայ»: Յիսուս պատասխանեց անոր.

«Հաստատ գիտցիր, որ եթէ մէկը վերստին չծնի՝ չի կրնար տեսնել Աստուծոյ արքայութիւնը»:

«Հաստատ գիտցիր, որ եթէ մէկը վերստին չծնի՝ չի կրնար տեսնել Աստուծոյ արքայութիւնը»: Նիկողեմոս հարցուց անոր. «Ծեր մարդ մը ինչպէ՞ս կրնայ նորէն ծնիլ: Կարելի՞ է բան է որ ան կրկին մտնէ իր մօր որովայնը եւ ծնի»: Յիսուս պատասխանեց. «Վստահ եղիր, որ եթէ մէկը ջուրէն եւ Հոգիէն չծնի՝ չի կրնար երկինքի արքայութիւնը մտնել, որովհետեւ մարմինէն ծնածը մարմին է, իսկ Հոգիէն ծնածը՝ հոգի: Դուն մի՛ զարմանար, որ քեզի ըսի՝ թէ պէտք է կրկին ծնիք: Հովը ուր որ կ'ուզէ կը փչէ. դուն անոր ձայնը կը լսես, բայց չես գիտեր թէ ուրկէ կու գայ եւ ուր կ'երթայ: Նոյնպէս են բոլոր անոնք, որոնք հոգիէն կը ծնին»:

«Վստահ եղիր, որ եթէ մէկը ջուրէն եւ Հոգիէն չծնի՝ չի կրնար երկինքի արքայութիւնը մտնել, որովհետեւ մարմինէն ծնածը մարմին է, իսկ Հոգիէն ծնածը՝ հոգի»:

Նիկողեմոս հարցուց. «Ինչպէ՞ս կը պատահի ատիկա»: Յիսուս պատասխանեց. «Դուն որ Իսրայէլի ժողովուրդին վրայ ուսուցիչ կարգուած ես, ատիկա չե՞ս գիտեր: Վստահ եղիր, թէ ինչ որ գիտենք՝ կը խօսինք եւ ինչ որ տեսանք՝ անոր մասին կը վկայենք, բայց մեր վկայութիւնը չէք ընդունիր: Եթէ երկրաւոր բաներու մասին խօսեցայ ձեզի եւ չհաւատացիք, ինչպէ՞ս պիտի հաւատաք ինծի եթէ երկնաւոր բաներու մասին խօսիմ»:



ՈՂՈՐՄՈՒԹԵԱՆ ԿԱՆՉ ՄԸ ԱՊՕԹԵՆԵՐ ՃԵՆՔԱԻՆ

ՀԵՂԻՆԱԿ՝ ՀԷՆՐԻ ՆՈՒԸՆ

ԹԱՐԳԱՆՈՒԹԻՒՆ՝ ԿԱՐՕ ՍՐԿ. ՆՈՒՈՒՄԵՆՆԵՐ

ՄԱՍ ՉՈՐՐՈՐԴ IV ՀՈԳԻՒՆ ԶՕՐՈՒԹԻՒՆԸ

Սուրբ Հոգին, որ Յիսուս խոստացաւ իր հետեւորդներուն, Աստուծոյ ամենէն անգին նուէրն է: Առանց Յիսուսի Հոգիին՝ ոչինչ կրնանք ընել, բայց Իր Հոգիով եւ Հոգիին մէջ՝ կրնանք ազատ, բերկրալի եւ արի կեանքեր ապրիլ: Մենք կարող չենք աղօթելու, բայց Քրիստոսի Հոգին կ'աղօթէ մեր մէջ: Մենք կարող չենք խաղաղութիւն ու բերկրանք ստեղծելու, բայց Քրիստոսի Հոգին կրնայ մեզ լեցնել երկնասոր խաղաղութեամբ ու բերկրանքով: Մենք կարող չենք կտրել ու անցնիլ բազմաթիւ խոչընդոտներ, որոնք կը բաժնեն ցեղերը, սեռերը, եւ ազգերը, բայց Քրիստոսի Հոգին կը միացնէ բոլոր մարդիկը՝ Աստուծոյ ամենահաս սիրոյ մէջ:

Քրիստոսի Հոգին կը հրկիզէ մեր բազում վախերն ու անձկութիւնները, եւ մեզ ազատ կ'արձակէ, որպէսզի ուղղուինք հոն՝ ուր որոշեալ մեր հասցէն է, այսինքն Հոգեգալատեան մեծ ազատագրումը:

Քաղցր Տէր, ինծի աղքատութեան ճամբան սորվեցուր: Այնքան յստակ է, թէ ինչքերը կը տանին բազմաթիւ կեղծ մտահոգութիւններու, որոնք կ'արգիլեն, որ ուշադրութիւնս քեզի դարձնեմ: Դուն միշտ հետս ես, կ'ուզես հետս խօսիլ, զիս՝ առաջնորդել, ուսուցանել, խորհուրդ տալ, եւ ինծի ցոյց տալ ճամբաս: Գիտեմ որ դրան առջեւ կեցած ես ու կը թակես: Բայց ես այնքան զբաղ եմ ուրիշ բաներով, որ քեզ չեմ լսեր. անքան մտազբաղ եմ, թէ ի՞նչ կարդամ, ի՞նչ գրեմ, ի՞նչ ըսեմ, կամ թէ ի՞նչ ընեմ, որ չեմ գիտակցիր՝ թէ բոլոր այս հարցերը գոյութիւն պիտի չունենան՝ եթէ քեզի մտիկ ընեմ, եւ դադրիմ ներքին խռովքիս ականջ տալէ:

Օգնէ ինծի, Տէր, որ աղքատ դառնամ, բառին բոլոր իմաստներով: Յոյց տուր ինծի՝ ինչպէս գործածել ինծի եկած դրամը, ցոյց տուր՝ ինչպէս գործածել ձեռք ձգած գիտութիւնս, ցոյց տուր՝ ինչպէս գործածել յարաբերութիւնները, եւ կապերը որոնք կեանքիս մաս կը կազմեն: Թող այս բոլորը չարգիլեն քեզի հետեւելու, այլ դառնան եղանակ մը՝ ծառայելու քեզի ու Թագաւորութեանդ:

Տուր, որ ազատ ըլլամ կեղծ մտահոգութիւններէս, եւ ապրիմ աղքատ ու ազատ սիրտով մը, որպէսզի միայն դուն ըլլաս Տէրս: Ամէն:

(Շար. 41)

**ԱՅԵԼԵՅԷՔ
ԵԿԵՂԵՑՈՅ
ԴԻԱՏԵՏՐԻ ԷՁՆ
ԵՒ
ՁԵՐ ՀԱՔԱՆՈՒԹԻՒՆ ԵՂՏՆԵՅԷ
(like).**

**[www.facebook.com/
SourpHagopChurchMontreal](http://www.facebook.com/SourpHagopChurchMontreal)**

**ԱՅԵԼԵՅԷՔ ԱՎ
ԵՒ
Ս. ՅԱԿՈՒ ԱՌԱՋԱՆՈՐԴԱՆԻՍ
ՄԱՅՐ ԵԿԵՂԵՑՈՅ ԿԱՔԷԶՈ՝
www.sourphagop.net**

ՏՆՕՐՀՆԷՔ

**Տնօրինք փափաքող ընտանիքները,
թող բարեհաճին դիմել
Ս. Գառնիկ Աւ. Քինյ. Գոյունեանի,
հեռաձայնելով
514 909 5203 թիւին:**

ԶԱՏՈՒԱՅ ԻՐԱԳԻՆ

**Ս. ՅԱՐՈՒԹԵԱՆ ՏՕՒՆ ԱՌԹԻ,
ՎԱՏԱՀ ԵԱՔ,
ՈՐ ՎԵՐ ԲԱՐԵՊԱՇ ժՈՂՈՎՈՐԴՈՒ ՊԻՏԻ
ՉԱՌՈՆԱՅ
ԿԱՏԱՐԵԼՈՒ ԻԴՂԱԳԻՆԻ ԻՐ ԱՐՏԱՐՈՒՄ
ԱՌԻՐԱՏՈՒԹԻՒՆ:**

ՀԻԱՆՈՆԵՐՈՒՆ ԱՅԵԼՈՒԹԻՒՆ

**Բարեհաճեցէք հեռաձայնել
Արժ. Ս. Գառնիկ
Աւ. Քինյ. Գոյունեանի.
514 909 5203 թիւին:**

**ՍՈՅՆ ԹԵՐԹԻԿՆ Ե-ԱՎԱԿՈՎ
ԱՏԱՆԱԼՈՒ ՀԱՄԱՐ ՁԵՐ Ե-ՀԱՍԾԵՆ
ՈՒՂԱՐԿԵՅԷՔ
eglise58@sourphagop.com**

ԹԵՐԹԻԿԻ ԱՆՈՐՈՂ ԹԻԷՐՈՒ

**ԿՐԱՔ ՁՏՆԵԼ
www.sourphagop.net
ԿԱՔԷԶԻՆ ՎՐԱՅ**